

(◎) 嶺外代答 (稿錄)

宋周去非著

宋周去非所著嶺外代答，間及我國風俗政治等，皆十二世紀以前事。茲特摘錄登載，以資參攷。想亦諸熱心研究我國文化者之所樂聞也。

△安南國

交趾本秦象郡。漢唐分置。僞置四府十三州三寨。府曰都護。大通。清化。富良州曰永安。永泰。萬春。豐道。太平。清化。乂安。遮風。茶盧。安豐。蘇州。茂州。諒州。寨曰和寧。大盤。新安。大抵。清化。遮風。乂安。永安。皆沿海而永安與欽州爲境。茶盧與占城爲境。蘇州。茂州與邕管爲境。其國東西皆大海。東有小江。過海至欽。廉西有陸路通白衣蠻。南抵占城。北抵邕管。自欽西南舟行一日至其永安州。由玉山大盤寨過永泰。萬春即至其國都。不過五日。自邕州左江永平寨南行入其境。機榔縣過烏皮桃花二小江。至南定江。亦名富良江。凡四日至其國都。乃郭達師所出也。又自太平寨東南行過丹特羅江。入其諒州。六日至其國都。若自右江溫潤寨入其國則迂矣。交人自謂至其國都曰入峒。謂吾民曰上京。地理止此。而文移動以數月。蓋故爲遷延以示道理之遠。國初其部內亂。有丁部領者。與其子璉率衆討平之。衆立爲帥。三年而私命璉爲節度使。開寶六年。璉遣使貢方物。制以璉特進檢校太師充靜海軍節度觀察處置等使。安南都護兼御史大夫上柱國濟陰郡開國公。仍賜推誠順化功臣八年。又封交趾郡王。璉死。黎桓篡立。太平興國中桓以交州叛朝廷。因以撫之。桓死。子至忠立。大中祥符三年。至忠卒。有子才十歲。李公蘊冒姓黎。殺之。自稱留後。遣使請命。授以黎氏官。公蘊卒。子德政立。來告哀。自稱留後。天聖六年。授安南都護。交趾郡王。寶元初。進南平王。德政死。子曰尊立。自稱大越國李氏第三帝。曰尊死。子乾德立。自號明王。乾德初。立權移臣下。大臣李上吉首建叛議。而廣

西白州進士徐伯祥者有功于州不得官導以犯邊陷邕欽廉三州朝廷遣郭達至討幾覆其國。乃以表乞降會王師大疫達受表班師時熙寧八年也乾德死有遺腹子在占城奉而立之曰天祚紹興二十六年入貢乾道癸巳朝旨符廣西帥司下交趾買駒象天祚因乞以象貢許之未入貢而天祚死嗣子龍韜不以聞而冒天祚名稱貢封爲安南國王旣受封乃以天祚名乞國印及上天祚遺表朝廷命廣西提刑寥遽爲僕至欽州弔祭復立龍韜爲安南國王其國僭僞自李日尊始僞諡其祖曰太祖神武自號曰大越國僞年曰天覲繼以十八字尊號乾德立而犯邊朝廷遣國達爲招撫使趙高副之進至瀦定江乾德奉表請降納之創爲法制雖曰甚鄙而上下頗安之母妻皆稱后子皆稱太子本族稱大王族長承嗣餘族稱支嗣其官有內外職內職治國官之長曰輔國太尉猶宰相也外職治兵官之長曰樞密使金吾太尉都領兵其文移至邊有判安南都護府者亦外職也其入仕之途或任子或取士或以資有御龍武勝等八軍皆在左右每軍二百人橫刺字於額曰天子兵又有雄略勇健等九軍以充給使其宮室有水晶宮天元殿制皆僭擬別有一樓榜曰安南都護府屋其國最重科舉凡入貲先爲吏叙遷至書狀又入皆爲保義郎即可爲知州矣凡蒞官不支俸唯付以一方之民俾得屬役耕漁以取利兵士月一更暇則耕種自給歲正月七日每一兵支錢三百緝絹布各一匹兵士月給禾十束元日以大禾飯魚鮓犒軍蓋其境上多占禾故以大和爲元日之犒正月四日國王燕官僚七月五日號大節人民相慶官僚以生口獻王王次日宴酬之門前有樓置大鍾爲民訴冤爲盜者斷手足指背國逃亡者斷手足謀叛者埋身露頭旁植勁竹挽竿繫首以利刃剗之首歛起揭竿標矣欽州探海往其郡永安州投公文不容民間交語館之驛亭速遣

出境防之甚密。其國入貢自昔由邕或欽入境。蓋先遣使議定移文經略司轉以上聞有旨許其來則專使上京不然則否舊制安南使者班在高麗上建炎南渡李天祚乞入貢朝廷嘉其誠優詔答之紹興二十六年乞入貢許之乃遣使由欽入正使安南右武大夫李義嗣安南武翼郎郭應以五象充常進綱外更進昇平綱以安南太平州刺史李國爲使所獻方物甚盛表章皆金字貢金器凡一千二百餘兩以珠寶飾之者居半貢珍珠大者三顆如茄子次六顆如波羅密核次二十四顆如桃核次十七顆如李核次五十顆如棗核凡一百顆以金瓶盛之貢沈香一千斤翠羽五十隻深黃盤龍段子八百五十四御馬六匹鞍轡副之常進馬八匹馴象五頭二綱衙官各五十人使者頗以所進盛多自矜後乞入貢朝廷輒却之乾道九年朝旨符廣西下安南買馴象天祚因乞以象貢許之以五象進奉大禮正使安南承議郎李邦正副安南忠翊郎阮文獻又以十象賀登寶位安南中衛大夫尹子思爲使自邕州右江永平寨入象綱所過州縣頗有宴犒夫脚象屋之費而諸郡兵衛單弱不足以贊外夷比至靜江見迓卒鎧甲之盛進退行伍之肅使者失聲嘆曰吾至此方見大朝威儀參府之次就戟門外上下馬庭參甚恭時范石湖爲帥屬威嚴以臨之而盛其犒宴饋遺視紹興二十六年禮遇頗殺使者不敢較也帥司津遣入朝李邦正題詩郵亭有此去優成賜國名之句比到闕偶得賜國之寵使者滿意而歸過靜江後庭參致謝乞自欽州歸國許之比至欽留兩月其國以舟楫旗幟迓之而歸是役也貢象之外附貢金銀洗盤犀角象齒沈箋之屬計所直不滿二三萬緡似非紹興入貢之盛而其國掃國庫僅能集事朝廷賜與優厚復叨異恩交使衙官百人所過州縣批券得米以充糧食得錢則人日給十文餘皆籍歸國一路州縣應副夫脚八百人擊負貢物

者固無幾。而皆爲使者負販至都。象實能浮。象奴所至水津索舟以載。得錢然後驅以濟。押伴官如加禮。使者愈慢。後不加禮。乃聽命。既僥倖賜復有乞印之舉。其後謝使繼至欽。又數乞入貢。莫之許矣。其國人烏衣黑齒。椎髻徒跣。無貴賤皆然。其酋平居亦然。但珥金簪上黃衫下紫裙耳。其餘平居上衣則上繫蟠領。皂衫四裙。如背子名曰四顛。下衣則皂裙也。或珥鐵簪。或曳皮履。手執鶴羽扇。頭戴螺笠。其文身如銅鼓款式。其軍人橫刺字於額曰天子兵。其婦人乃哲白異於男子。皂裙男子之蓋飾也。以香膏沐髮如漆。裹烏紗巾。頂圓而小白。自額以上細褶如縫。上徹於頂。身著大蟠領。皂衫加於小蟠領衫之上。足加鞋轡。遊於衢路。與吾人無異。但其巾可辨耳。其來投文書也。紫袍象笏。趨拜雍容。使者之來。文武官皆紫袍紅鞋。通犀帶。無魚。自貢象之後。李邦正再使來欽。乃加金魚甚長。其俗之輜如布囊。而使者至欽則乘涼轎。雨晴皆用之。

〔未完〕

▲黎桂堂先生小史（續）

時臺按堆積公考屬吏飭該道與諸司申詳訟例。審斷舊牘。揭公堂前。却駁泛越諸訟譏。積弊爲清。六月陞工部右侍郎。七月先生上疏以爲從來贍軍裕國。莫過屯田。茲山寇既平。上流底定。村里凋殘之餘。未能完復。安定之上縣。錦水之下縣。與廣平化今改廣農貢各峒冊。土沃水良。可耕不下萬畝。却皆荒廢。而清華屬鎮各奇隊口分欠少。情願別屯開墾。茲竊以爲屯田之項甚多。兵皆土著。既有生業可資。無自逃欠。一也在在屯種。隊伍連絡。保衛重地。永永無虞。二也。計四鎮二匪五雄十一隊。與鎮內一奇兵。堪田作者共一千四百三十人人。受田三畝。畝收粟六十鉢。一年得粟二十五萬餘鉢。歸貯官庫。行之積久。倉庫充盈。三也。軍屯既成。村里漸漸回復相依。不煩招集。戶口滋多。四也。湯沐

原本可變疲弊爲富強。五也。一事行而五便興。足食足兵之策。無過於此。因條上措置節目一差官。二勘實。三分屯。四授田。五給本錢。六發農器。七定稅例。朝命添差李陳坦往勘。坦還言其勢未可行。事遂寢。錄平鎮寧功。陞戶部右侍郎。賞世業民祿二社。世業田四十畝。九月奉差巡撫清華處閱定兵額。十月車駕西巡。先生入賀。疏言上有德政。以得民心。則可以凝天命。而迓祖德。茲巡幸湯邑。瞻謁宗廟。展拜園陵。觀覽山川。詢訪耆老。感列聖之功德。思大業之艱難。輦路所經。曲加存撫。真是太平美事。臣聞古者巡狩。春省耕而補不足。秋省斂而助不給。非不遊也。而惠及人者。舉行令典。亶惟其時。因條上乞加封本處三等神美字。查三司府縣政績獎廉平退苛冗蠲逋欠招流民免清華鹽稅定驛法。以均勞佚。擇土官管官禁官員苛擾土兵。免山南沿途驛遞各社調錢。凡十事。命下議行。十二月陞吏部右侍郎。三十二年辛卯六月陞工部左侍郎。累辭不許。乃受命。三十三年壬辰奉差采訪諒山處。五月疏言時務清仕途正職事。凡四條。皆見納。七月行都御史兼國子監祭酒。其冬會試天下舉人。充知貢舉官。時策題已命諸臣擬題十數。皆不用。又召先生自試。場回改擬別題。所問惟經傳大旨及兵民之政。故是科得人爲多。三十四年癸巳。又安大歉。先生疏乞取永營庫錢漕山水宮官粟分賑饑民。并勸富民入粟拜爵。以備給發。四月大旱。疏請開言路。赦加租。出繫囚罷工作。四事上。卽命施行。令下而雨。尋入侍陪從侯爵。累召入對。商確政事講論治道。上飛白答之曰。所言深合事宜。足見體國之意。又御書天植剛正四大字以賜之。與參從春郡公阮儼掌督民改修戶籍。先生以養民之政。在於周知民數。均節賦役。請令社民具類丁口。納申簿于政堂。然後酌量民力。平

補科徭。俾人知恩出於上。正供既足。後赦加稅巡渡諸稅。及非時諸調歛。仁政良法可次第行。是年忠獻公以刑部尚書再仕。一門眷寵赫奕。當世榮之。三十五年甲午。奉往勘度山南沿海縣社沙田。山南下路土沃民稠。南真膠水真定青蘭各縣皆傍海岸而居。從來沙洲頽孕不常。至是始孕沙田甚衆。山南鎮司以聞。命先生與鎮守韶郡公往勘度之。山南舊多豪強。慣行賄賂。僥倖求免。減遺餽動以千數。公至一切拒絕。得實田九千一百餘畝。每年納粟七十一萬官鉢。歸貯渭濱官庫。於是邊儲粗備。五月。命掌府事。曠郡公將兵二萬。經略順化。鄭王欲自將。南征命公刪給諸軍口分。又命厘正皂隸。譖曉諸稅額例。時大軍南征。調度甚繁。日費不貲。鄭王深以爲憂。故命公刪給兵食。始充九月。鄭王出征。命公留守京師。便宜行事。率在京各奇隊兵防守京城。公請參贊戎務。往順化督戰。不許。時鄭王慮兵少。命徵發衛兵。先生曰。師期既迫。行下各鎮。淹引時月。恐更擾民。不若傳諭天下。以不得已之意。先除管員。使之自行招集。私辦器械。可不旬日而辦。從之。悉以兵事委之。凡進征節次。分設四軍。命官爲四將。申定軍令。調度糧食。及檄諭文書。皆出公之手。公精力過人。見事立決。調撥適宜。留守京都。分設屯防。申飭條教。巡邏嚴密。畿甸肅清。京北太原盜起。差兵勦捕。不日撲剪。日接南書。至調運糧食。召補士卒。日不暇給。而庶事安辨。十二月。大軍克順化。三十六年乙未二月凱還。公以夙夜勤勞。陞戶部左侍郎。兼國史總裁。三十七年丙申春。設鎮撫司於富春。時以順化初平。須得重臣鎮其地。乃命嚴郡公以督率兼鎮撫。公爲叶鎮撫。參贊戎機。賜公贐銀一百兩。陞辭之日。上疏以爲。自用兵以來。征行勞苦。饋運繁。所宜減兵節餉。以蘇天下。但雲闌爲廣南咽喉。洞海爲父安門戶。傍山沿海。孔道多岐。兵又不可不分防。餉又不可不接濟。臣今奉命行邊。謹當收羅才識。禁

戢冗弊。招回流散。申畫疆理。使之先有規模。然後以一處正供財賦。養一處京土官兵。則漕運無多。可少抒司農之籌畫。而經營預備。或可助司馬之韜鈴。竊以兵形象水。一時解息。寔須調劑。臣日夜思惟。顧兵顧餉。量回量留。以休養爲懷。附之本原。以防守爲撻伐之樞紐。選官吏治軍民。以資無窮之勝算。蒐軍實。講武備。以振有用之精神。是乃從來孜孜謀慮。期致太平之至願也。既抵富春。時鎮司新設。百事草創。兵民雜居。裨校倚勢。攘竊到屯。專行勾勘。鉛錢不行。粟米湧貴。鹽鹵廢業。舊官與土官民相爭田土。更生告訐。悍者囂弱者鬱。先生始定訟例。署提吏縣勘鎮勘各有恆式。通飭將校。禁戢兵士。令軍人往上游採薪芻。禁擅入民家。使民家行用鉛錢三當。一通甘露江源之粟。免巡渡市稅之苛細者一百八十四所。其餘有社民情願坐收者。給付招舊鹽村坊。給憑開煮。申定執田贖田律限。杜其爭訟。革服制俾衣冠一遵朝廷制度。又念錢輕物貴。許以改制銅錢。令縣官屯官送下各縣總長。開納丁簿。丁祭親謁學宮。瞻禮諸生就學數十人。時與講學論文。在鎮凡六月。軍民懷服。守備大修。九月回朝。命仍入內視事。辭不拜。乃命行都御史與刑部官覆讞在京及四鎮囚徒。寬宥甚多。三十八年丁酉春疏言順化已平。于今三年。宜有法度以控束一方。并上兵民財賦事宜。請平補順化丁田。閱定兵額。夏旱民大歉。公乞赦加租蠲逋負。凡五條。七月順化康祿麗水明靈賊起。殺屯將。攻逼洞海。道路斷絕。富春信息不通。報至。命公就政府議事。對曰。此民爲賊爾。前已收器械。民間無寸鐵。烏合羣起。夫何能爲。但聞屯將所收租稅太重。民人嗟怨。所以致然。今命馳援。一鼓可擒。從之。遣兵入勤。一月而平。上喜。謂公曰。卿料事何其審也。十二月。命行戶番機密事務。兼掌財賦。三十九年戊戌歲比饑荒。人心愁苦。有言順化饋運疲弊。請棄富春與阮氏。或降臣使守之。退守安宅。

爲鎮所先生曰大不可。今天下無變。豈宜自生變。示弱於人。乃止。三月。命行參從。固辭。乞改授武班。乃授右校點權府事。改爵義派侯。時阮淳取嘉定。勢頗猖狂。遣書督率。請官軍退還。以順化予之。召諸臣規議措置事宜。皆云許統將自擇在朝文武。以備差行。公言順化道文武除授。當自朝廷擇之。是年秋。海匪煽動。掠安廣寇山南。官軍敗績。人情震駭。召公入急議。規畫公曰。耕當問奴。織當問婢。今日兵所以敗。在於不用武將。而以內官典兵。請起用廢將如潘派侯。碩武侯等。可當一面。已而海匪悉平。時有黃文桐者。世爲聚龍土酋。專財專地。畏公正其罪。私賂公銀百鎰。公卽遞進。上大嘉獎。復以賜之。至是桐因海匪煽動。舉兵反於宣光。忌者遂指其事爲激變。乞罷公以悅桐。遂貶職十次。解機務。仍行戶番機密。四十二年辛丑。復申國史總裁之命。改修國史。自中興光和至嘉宗德元。凡十卷。頒行。十月。奉差勘視山南處堤路。四十三年壬寅。時災異屢見。公疏請赦逋欠。免追刷。禁苛暴。從之。四十四年癸卯。春命爲乂安處叶鎮守。乂安久無事。人多向學。乃廣開學舍。學著數百人。十二月。復回文班。授都御史。四十五年甲辰春。回朝。疏請措置南陲邊備。又條上弭盜寧民之策。三月陞工部尙書。四月十四日卒于維先之阮舍。享年五十九。訃聞。上輟朝三日。贈少保。賜諡文忠。給祀事。民二社。賜慰錢三百十緝。遣官諭祭。六月十九日。葬于本村後舍處之原。夫人黎氏。唐豪遼舍人。永盛戊戌進士。參從戶部尙書。贈太子太傅。遼郡公。鄧有喬之第七女。蔭贈正夫人。子四長子。有文學。早卒。次淳。次佐。次儀女二人。長適丙戌進士。工部右侍郎項川伯阮惟宏。早死。次暎。未適人。公資稟既異。而充養有道。自少不嬉戲。言動皆有矩度。處已接物。一以至誠。孝友出於天性。事父母先意承志。教養諸弟。所得俸祿。分與親戚。撫育族姓。爲之嫁娶者十八人。篤意故舊。故人妻子貧者。有來瞞。

給錢帛而自奉尤約。弊衣疏食怡如也。家人有言。則曰我寧不知此。當念積福耳。公性好讀書。未嘗釋卷。雖貴爲卿相。讀書每至夜分。爵位愈隆。心思愈抑。接對官吏。未嘗以等威自異。歷任內外。以清慎自持。不受餽遺。兵民大政。多有規畫。小人讒謗百計。而主眷不衰。屢求去位。雅愛山水。常作草堂。扁良齋以見志。公平日誨人不倦。以詩書禮樂爲教學者。多出其門。爲名臣者。先生學得於天。而尤邃於古。蓋其所知。上窮天道性命之奧。下至事物之微。以及律曆。醫卜。戰陣方略。山川險易。邊鄙防戍。海內風俗。外國情狀。莫不洞究其極。而一以貫之。雖王事劬勞。殆無暇日。而且留心著述。探訪古蹟。收拾遺文。有得則記。之所著。有易經膚說。書經衍義。春秋略論。詩說。禮說。連山歸藏。二易說。羣書攷辨。聖謨賢範錄。金鏡錄注。存心錄。增補政要大本集。大越通史。國史續編。皇朝治鑑綱目。皇越文海。全越詩集。芸臺類語。見聞小錄。續應答邦交集。北使通錄。聯珠全集。征西全集。撫邊雜錄。師律纂要。武備心略。地理選要。地學精言。太乙簡易錄。太乙卦運。六壬會通。六壬選粹。活人心書。陰隲文注。道德經演說。弘教錄。金剛經註解。等書行于世。



文苑

▲夢洋詩集

(續六) 何芳澤遺草

★卽事

▲文苑

(續六) 何芳澤遺草

賽神歌吹響中宵。萬籟無聲動夜潮。醉後茫然迷出處。夢隨仙樂上雲霄。

猶及菴蘿熟。歸來不恨遲。香甜應絕味。辛苦已多時。嘗新嘆飄泊。懷核感恩私。荔枝更可憐。十

布帆無恙笑相歡。腔訥尋常酒債寬。欲碎唾壺歌一闋。恐驚波浪動高寒。

▲見菴蘿有感

年空夢思

◎望石碑山有感

前繁洪德傳遺跡。片石依然峙碧峯。今古幾能窮。造化江山猶自認。英雄百年事。往成吹劍千申公。

★舟次偶感得七言律二首

回槎有約悵稽違。浦歛浮烟島嶼微。不管人情惟。朔吹。最。撩。客。思。是。斜。暉。江。湖。未。果。隨。鷗。去。城。郭。還。同。化。鶴。歸。裴。馬。故。人。誰。健。在。六。街。多。少。驛。塵。飛。

聲多雲霧見。山影月明聞。棹歌未窮通滯理。起立看星河。

◎漁燈

隱隱亂烟中。漁燈幾處同。沙分寒渚白星照。○江紅山靜初生月。潮平不起風。悠悠湖海客。回

首倚孤蓬

▲風阻

迴路在咫尺。淹延難自知。南風弱欲死北風彊。自欺二氣有乖錯。萬里安可期。曷不遊自然。將送胡以爲。覆載絕好惡。常變互推移。非時豈耐久。循理莫嫌遲。滄溟若平地。誰羨浮槎歸吾心。倘無滯風雲。渺多奇。

滄溟

●風順

久矣孤蓬阻。悠然中夜過。柁平風色順。帆滿水。

●茶山曉望

茶山風浪夜深聞。雲影山光夢裡分。清曉依依蒼翠色。飛來仍是去時雲。

●今詩文摘錄

★毛錐子賦 以毛爲韻

南峯阮其楠

吾黨有直躬者。中山之豪。其初先秦穎之後。或曰聿。或曰筆。或曰不律。一皆同出於姓毛。能以柔制剛。而羣動莫能搖。能知白守黑。而萬變莫能淆。日與絳人姓陳弘農姓陶。及會稽楮先生者。斯晨斯夕。如漆如膠。君子曰。子兮子兮。其士林之譽髦乎。觀其生花應夢。揮珠成毛。辭草澤上。嶧崿其陳謨也。爲禹爲臯。其定律也。爲蕭爲曹。既旁及乎百家諸子。亦兼通乎三略六韜。雕龍繡虎。起鳳騰蛟。卽如嚇蠻驅鱷。持寸鐵者。未足以語其勇。懸千金者。未足以酬其勞。爾身不長。無功而其功最高。此則風雲之所遇合。眞千載而一遭。乃若不遇故去。有托而逃。埋形林藪。歟迹衡茅。昔爲待價而沽之玉。今爲繫而不食之匏。有辰續屈平之離騷。有辰學楊雲之解嘲。卽或鴻飛嗷嗷。鶴鳴嚙嚙。猶且垂情著述。繼晷焚膏。蓋嘗聞命於夫子矣。嚴斧鉞於一眨。榮華衰於一寢。其藏於名山沐日兮浴月。其傳於四海近都兮遠郊。不言而信。物與民胞。不怒而威。鬼哭神號。夫所謂守先王之道。以待後之學者。亦曰盡心焉已矣。終未嘗一日忘夫天下之滔滔。君不見今之天下乎。四海風潮。新舊相交。西轍東暨。並駕聯镳。不知者謂此輩束之高閣。抑知夫國家之典故。與夫閭里之文書契券。置之左右。猶能越俎而代庖。然則彼一辰也。此一辰也。如中書君者。用舍之辰義大矣。夫安往而失其所操。

●賀鳳池徵君繼春武先生八十壽文

天池徵君天骨奇。昔爲天池今鳳池。公乃鳳池閣老。武先公之令嗣。少年特達。人所推英氣凌凌。自初做。我聞其名。初見之。鳳池本是公家物。雖鳳豈學寒虫。爲往年翼皇策。淹博白衣見帝如公希衣。

白而來衣白去。悠然歸臥山之陲。一日日知人事改。一年年覺世情非。柔海推遷眼前過。蓬鬢斑爛頭上垂。古來讀書得憂患。惟有達者長怡怡。公也門庭有真樂。舞班堂下俱佳兒。竹箭經風還崛強。蘭叢挹露太榮滋。公今耄矣作初度。詞客紛紛文與詩。公云白髮緣愁白。我謂河清寧有期。君不見太公未遇困屠鈎。元亮五男寒且饑。又不見盤馬彎弓傅刺史。持節罵賊顏太師。舞臺歌哭總兒戲。既無所稱何所譏。天與公閒與公健。功名外物其如遺。天與公富與公壽。造物於公母乃私。我升公堂祝公祜。飲公之酒前致詞。乾崖素稱好風水。今之耆宿非公誰。形全神全古所訓。後二十年爲耆頤。

◎遊龍隊山寺

義園阮文桃

萬疊蒼蒼一水迴。深嚴寺塔傍岩隈。黎家轍迹埋秋草。李帝碑文鎖綠苔。興廢幾更人世局。色空自在梵王臺。宦遊偏愛林泉趣。纔到名山俗眼開。

◎奉次家嚴遊諒城雙仙洞原韻
乘興高登諒鎮山。飄然身在翠微間。深深洞口仙何處。寂寂禪門晝不關。名利勞人塵海刦。雲烟得趣梵王閒。岩花若解遊人意。爭向車前開笑顏。

△寄訪安排孝廉武年家

△奉次松園陳先生遊三島山元韻

射策文章局已殘。十年回首夢闌珊。蝶城問難經猶在。雀嶺逢人鬢盡斑。士習不緣風會變。村居別覺性靈閒。是非休說行藏事。詩債君應爲我還。

三島雄峯古帝州。詩豪天爲借。清遊崗巒羅列連平野。臺閣森嚴護節樓。絕峯仙碁雲氣鎖。棲山客館酒香浮。登高縱望襟懷爽。錦繡闢河一色秋。